

**EUSKADIKO UDALEN ARTEAN ETA HORIEN ETA BESTE HERRI-
ADMINISTRAZIO BATZUEN ARTEAN DATUAK TRUKATZEKO GIDA**



Lehenengo edizioa 2020

Aurkibidea

SARRERA	2
Lege-testuingurua.....	2
Kontzeptu orokorrak.....	3
Euskadiko elkarreragingarritasun-eredua.....	5
Ereduari atxikitzea.....	7
Kontsultatzeko gaitzea.....	8
Aurkakotasunik eza.....	8
Legea.....	8
Baimena.....	9
Gomendio orokorrak	9
Prozeduraren kodea eta izena	9
Prozeduraren izena.....	9
Araudiaren egokitzapena	10
Inprimakien egokitzapena	10
Aldi iragankorra.....	12
Laguntzak, dirulaguntzak eta sariak.....	13

SARRERA

Honako dokumentu honen xedea da Euskadiko udalei, eta, bereziki, udal txiki eta ertainei, administrazioen artean datuak trukatzeko zerbitzuak erabiltzen laguntzea, bai lagatzaile gisa bai lagapen-hartzaile gisa.

Administrazioen artean datuak trukatzeko zerbitzuak erabiltzeak onura handiak dakarzkie bai herritarrei bai administrazioei beraiei. Herritarrei ziurtagiriak eskatu eta aurkeztu behar izatea saihesten die; horrela, zerbitzu publikoetarako sarbidea errazten die, administrazio-kargak ezabatzen baititu. Administrazioei, berriz, beren prozesuen eraginkortasuna handitzeko aukera ematen die, bai herritarrei zuzendutako arretan, bai barne-tramitazioetan, bai eskatzen diren kanpoko informazioen fidagarritasuna bermatzeko orduan.

Dokumentuak lehen aurkezpen-kapitulu bat du, eta, kapitulu horretan, administrazioen arteko datu-trukea arautzen duen lege-esparrua deskribatzen da, bai eta Euskadiko elkarreragingarritasun-eredua ere, NISAE Euskadiko Administrazioen Segurtasunerako eta Elkarreragingarritasunerako Nodoaren inguruan artikulatzen dena. Kapitulu berean, udal bat NISAEri atxiki ahal izateko eta datuak trukatzeko zerbitzuak erabili ahal izateko alde zurreratik egin behar dituen urratsak zehazten dira.

Hurrengo kapituluetan, informazio-zerbitzuak eskatzeko, kontsumitzeko eta emateko gomendioen eta jardunbide egokien zerrenda bat jasotzen du dokumentuak.

Lege-testuingurua

Arau hauek osatzen dute administrazioen arteko datu-trukearen legezko erreferentzia-esparrua:

- 39/2015 Legea, urriaren 1ekoa, Administrazio Publikoen Administrazio Prozedura Erkidearena [28. artikulua].
- 40/2015 Legea, urriaren 1ekoa, Sektore Publikoaren Araubide Juridikoarena [155. artikulua].
- 3/2018 Lege Organikoa, abenduaren 5ekoa, Datu Pertsonalak Babestekoa eta Eskubide Digitalak Bermatzekoa [azken xedapenetako 12.ak 39/2015 Legearen 28. artikulua aldatzen du].
- 2016/679 (EB) Erregelamendua, 2016ko apirilaren 27koa, Europako Parlamentuarena eta Kontseiluarena, datu pertsonalen tratamenduari eta datu horien zirkulazio askeari dagokienez pertsona fisikoak babesteari buruzkoa; 95/46/EE Zuzentaraua indargabetzen du (Datuak babesteko erregelamendu orokorra).
- Elkarreragingarritasunaren Eskema Nazionala: Bitartekaritza Protokoloen Elkarreragingarritasuneko Arau Teknikoa.
- Segurtasunaren Eskema Nazionala.

Administrazio Publikoen Administrazio Prozedura Erkidearen 39/2015 Legearen arabera (28.2 art.), interesdunek **eskubidea dute** administrazio jardulearen esku dauden edo beste edozein administrazio egin dituen dokumentuak **ez aurkezteko**. Administrazio jarduleak dokumentu horiek kontsultatu edo eskatu ahal izango ditu, interesdunak aurka egiten ez badu. Administrazio publikoek elektronikoki bildu beharko dituzte dokumentuak, beren sare korporatibo bidez edo datu-bitartekaritzarako plataformen edo horretarako gaitutako beste sistema elektroniko batzuen bidez kontsulta eginez.

Sektore Publikoaren Araubide Juridikoaren urriaren 1eko 40/2015 Legeak (3. artikulua) elkarreragingarritasuna jasotzen du administrazio publikoen jarduketa-printzipioen artean; hala, administrazioek bitarteko elektronikoak erabiliko dituzte beren artean, sistemak eta horietako

bakoitzak hartutako irtenbideek elkarreragingarritasuna eta segurtasuna dutela ziurtatzeko, datu pertsonalak babesteko, eta, ahal dela, interesdunei zerbitzuak batera emateko.

Datuak Babesteko Europako Erregelamenduaren 6. artikulua datuen tratamendu bat, datuen trukea, zehazki, zilegi izateko baldintzak ezartzen ditu. Halaber, arau horren 21. artikulua interesdunak aurka egiteko duen eskubidea arautzen du.

40/2015 Legearen 156. artikulua **Elkarreragingarritasunaren Eskema Nazionala (ENI)** jasotzen du: "Elkarreragingarritasunaren Eskema Nazionalak informazioaren, formatuen eta aplikazioen segurtasuna bermatzeko eta haiek kontserbatzeko eta normalizatzeko irizpideak eta gomendioak hartzen ditu barnean. Administrazio publikoek kontuan izan beharko dituzte irizpide eta gomendio horiek, elkarreragingarritasuna bermatzeko duten erabaki teknologikoak hartzeko".

Elkarreragingarritasunaren Eskema Nazionala 11/2007 Legearen 42. artikuluan ezarri zen lehenago, eta urtarilaren 8ko 4/2010 Errege Dekretuan gauzatzen da; Elkarreragingarritasunaren Eskema Nazionala Administrazio Elektronikoen eremuan arautzen du dekretu horrek. Administrazio publikoen arteko eta herritarrekiko elkarreragingarritasunaren alderdirik praktikoak eta operatiboak errazteko xehetasunak zehazten dituzte elkarreragingarritasuneko arau teknikoak.

Elkarreragingarritasunaren Eskema Nazionalak honela definitzen du elkarreragingarritasuna: **informazio-sistemak eta sistema horien euskarri diren prozedurek datuak partekatzeak eta informazioa eta ezagutza trukatzeko duten gaitasuna.**

Zehazki, Datuen Bitartekaritza Protokoloen Elkarreragingarritasuneko Arau Teknikoaren xedea da administrazio publikoen edo haiei lotutako edo haien mendeko zuzenbide publikoko erakundeek (aurrerantzean, erakundeak) arteko datu-trukerako zehaztapenak ezartzea.

Kontzeptu orokorrak

Datuen Bitartekaritza Protokoloen Elkarreragingarritasuneko Arau Teknikoaren arabera, hauek dira datu-trukeetan esku hartzen duten eragileak:

- **Lagatzaila.** Beste erakunde batek bere eskumenen esparruan kontsultatu behar dituen herritarrei buruzko datuak dituen erakundea; datu horien arduraduna da, Datu Pertsonalak Babesteari buruzko abenduaren 13ko 15/1999 Lege Organikoaren arabera, eta izan daitezkeen lagapen-hartzaileei eskainiko dizkie, igorle baten bidez.
- **Lagapen-hartzaile.** Lagatzaile baten esku dauden herritarren datu jakin batzuk kontsultatzeko baimena duen erakundea.
- **Igorlea.** Datuak teknologiaren ikuspegitik lagatzea ahalbidetzen duen erakundea. Bere datuak lagatzea ahalbidetzen duen lagatzaile bat igorle ere izango da, lagatzaile izatearekin batera. Igorle baten datuak igortzeko edo lagatzeko izapideen kudeaketan parte hartzen duen elkarreragingarritasun-nodo orok ere igorlearen rola hartuko du.
- **Eskatzaile.** Datuak teknologiaren ikuspegitik kontsultatzea ahalbidetzen duen erakundea. Datuak zuzenean kontsultatzen dituen lagapen-hartzaile bat eskatzaile ere izango da, lagapen-hartzaile izatearekin batera. Eskatzaile baten datuak kontsultatzeko izapideen kudeaketan parte hartzen duen elkarreragingarritasun-nodo orok eskatzailearen rola ere hartuko du.

Ondorengo grafikoak eragile horietako bakoitzaren funtzioak erakusten ditu, bai eta elkarreragingarritasun-nodoenak ere; azkeneko horiek igorlearen rola hartuko dute igorle baten datuak igortzeko edo lagatzeko izapideen kudeaketan parte hartzen dutenean, eta eskatzailearen rola hartuko dute eskatzaile baten datuak kontsultatzeko izapideen kudeaketan parte hartzen dutenean.



Datuen Bitartekaritza Protokoloen Elkarreragingarritasuneko Arau Teknikoaren arabera, elkarreragingarritasun-nodo batek beste zerbitzu batzuk hartu ahal izango ditu bere gain, eskuordetzaren bidez.

Edozein administrazio publiko **lagatzailek** elkarreragingarritasun-nodo baten esku utzi ahal izango ditu rol horri dagozkion zeregin bereziak:


- Beste erakunde batzuen esku dauden truke-zerbitzuen bidez eskuragarri dauden datuak trukatzeko zerbitzuak katalogatzeko edo erregistratzeko informazioa emango du, kontsultatu ahal izateko.
- Zerbitzuetara sartzeko baimenei dagokienez:
 - Eskaintzen dituzten datuak trukatzeko zerbitzuetara sartzeko protokoloak eta baldintzak, baimendutako kontsulta-metodoak eta eskatzaile bakoitzari buruz ezagutu beharreko informazioa zehaztuko ditu.
 - Eskaera bat atzera botatzeko edo ukatzeko kasuak arrazoituko ditu.
 - Auditorretza-politika definituko du, eta, noizbehinka, auditorretzak egingo ditu bere datuen kontsultei buruzko sistemaren erabilerari buruz.

Bestalde, edozein administrazio publiko lagatzailek **igorlearen** zereginak eskuordetu ahal izango dizkio elkarreragingarritasun-nodoari, bereziki, eskaintzen dituen datu-trukerako zerbitzuetara sartzeko baldintza teknikoaren betearazpena, baimendutako kontsulta-metodoak eta kontrol eta auditoria teknikoak.

Euskadiko elkarreragingarritasun-eredua

Euskadiko elkarreragingarritasun-eredua Euskadiko Administrazioen Segurtasunerako eta Elkarreragingarritasunerako Nodoaren (NISAE) inguruan egituratzen da. **NISAE** euskal sektore publikoko administrazio eta erakunde guztietarako plataforma bateratua da, eta nodo autonomiko gisa eratuta dago, haien artean eta gainerako administrazioekin (Estatuko Administrazio Orokorra eta autonomia-erkidegoak) datuak trukatzeko, sinergiak bateratuz.

Irtenbide bateratu bat da, erakundeen arteko datu-trukaketan **kudeaketa banaturako eredu** baten inguruan egituratzen dena. Berezko funtzionaltasunetik harago, haren diseinua elkarreragingarritasuna egituratzen duen eredu batean oinarritzen da, Euskadiko administrazioen antolaketa-errealitatera egokituta. Horregatik, NISAEk aurkezten duen irtenbidea bertan parte hartzen duten **eragile instituzionalen** artean **adostu da**.



NISAE da euskal administrazio publikoen artean nahiz administrazio horien eta Estatuko gainerako administrazioen artean –bereziki Estatuko Administrazio Okorrearekin– paperezko ziurtagiriak ordeztzen dituzten datuen trukea artikulatzeaz eta praktikan ezartzeaz arduratzen den nodoa, zeregin horrekin sinergiak batuz.

Horregatik, oso garrantzitsua zen eredu Euskadiko administrazioen egiturara, idiosinkrasiara eta kulturara egokitzea; hala, bada, horretan parte hartzen duten eragile instituzionalen artean adostu da, eta *Izenpe* aukeratu da nodoaren ardatz izango den eragiletzat.

Honako funtzio hauek betetzen ditu NISAEk:

- Lagapen-hartzaileak eta eskatzaileak kudeatzea, lagatzaile bakoitzak ezarritako baldintzen arabera.
- Trukatutako informazioaren konfidentzialtasuna eta osotasuna ziurtatzea, dagozkion mekanismoen bidez.

- Plataformari buruzko dokumentazio guztia bilduko duen web-atari informatibo bat edukitzea.
- Sistema martxan mantentzea etengabe (24x7).
- Erakundeei laguntza ematea, eta sortutako komunikazio eta gorabehera guztiak kudeatzea, eskatzaileekin eta igorleekin elkarlanean.
- Erabiltzaileei eta integratzaileei arreta eskaintzeko zentro bat izatea, sistemaren inguruko gorabehera guztiak bideratzeko eta harremanetarako datuen berri emateko.
- Plataformako jarduerari eta erabilerari buruzko txostenak egitea, kontuan hartuz erakunde bakoitzak egindako kontsultak eta haiei egindakoak.
- Sistemak garatzea eta mantentzea, datuen segurtasuna eta pribatutasuna bermatuz, aplikatu beharreko araudiaren arabera.
- Auditoretza-lanetan laguntzea, igorleak edo lagatzaileak hala eskatzen eta zehazten badu; horrelako kasuetan, trazabilitaterako eta estatistiketarako hitzartutako datuak gordeko dira, eta datuok behar denean aztertu ahal izango dira.

NISAEren funtzio guztiak aplikazio bakar batean integratuta daude. Aplikazio horrek kudeaketa partekatua ahalbidetzen du, eta honako modulu hauetan banatzen da:

- Erabiltzaileen kudeaketa.
- Zerbitzuen kudeaketa.
- Baimenen kudeaketa.
- Alerten sistema.
- Eskuzko bitartekaritza.
- Bitartekaritza automatikoa.
- Auditoretza.



Hala, eragile bakoitzak kasu bakoitzean duen funtzioaren araberrako rol-eredu bat ezartzeko moduan diseinatu da nodoa. Konbinazioak askotarikoak dira; erakunde eskatzaileak eta lagapen-hartzaileak desberdinak diren kasuak izango dira ohikoenak, baina, kasu batzuetan, erakunde bat zerbitzu baten eskatzaile eta igorle izan daiteke aldi berean. Nodoa administratzeaz arduratzen diren pertsonen funtsezko zeregina dute antolaketan, baimenen administrazioan eta nodoaren arintasunean.

NISAEk kontsumo guztiak egingo ditu, dela NISAEren aplikazioaren bidez eskuz egindako bitartekaritzaren bidez (bezero arina), dela nodoan bertan argitaratutako zerbitzuen gaineko sistemen arteko zuzeneko konexio bidezko bitartekaritza automatikoaren bitartez, eta EuskalSarearen bidez eskuratu ahal izango da, EAEko erakunde publikoak ingurune seguru batean dauden zerbitzuetara konektatzen direla ziurtatuz. Sistemak eta plataformak berrerabiltzeko filosofiarekin jarraitzeko aukera ematen du horrek.

Ereduari atxikitzea

Araba

Bizkaia

1. Toki-erakundearen eta Bizkaiko Foru Aldundiaren arteko **Elkarreragingarritasun Hitzarmena sinatzea**. Ezinbestekoa izango da Bizkaiko elkarreragingarritasun-nodoaren bidez elkarreraginean aritzeko.
2. **Alta ematea Bizkaiko NODOan, egoitzaren bitartez**: Bizkaiko Foru Aldundiaren egoitzaren bidez Bizkaiko Nodoan alta ofiziala emateko eskatzen zaio toki-erakundeari, ['Alta Bizkaiko Elkarreragingarritasun Nodoan'](#) izapidearen bidez, erakunde bakoitzeko solaskideak identifikatzeko xedez.
3. Aurreko izapideak egin ondoren, honako hauek egin ahal izango dira:
 - **Beste administrazio batzuetako datuak kontsultatu edo egiaztatu** - Lagapen-hartzaile gisa jardun: inprimaki hau bete beharko da Elkarreragingarritasun Zerbitzuen kontsumoa eskatzeko.
 - Hala ere, epe laburrean, Bizkaiko Nodoaren elkarreragingarritasunaren plataforman inprimakia sarean betetzeko gune bat gaituko da.
 - **Datuak beste administrazio batzuei erakustea** - Lagatzaile gisa jardutea: inprimaki hau bete beharko da zerbitzuen nodoan argitaratzeko, eta, **sartzeko baldintzak betez gero**, lagapen-hartzaileari aukera emango diote datuak kontsultatzeko edo egiaztatzeko.

Gipuzkoa

1. **IZFEko dagokion aholkulariarekin harremanetan jartzea**; hark emango dizkio hurrengo urratsetarako formalizatu beharreko dokumentuen ereduak.
2. Hala badagokio, honako protokolo hau **sinatzea** eta IZFERa bidaltzea: "ADMINISTRAZIO ELEKTRONIKOAREN ESPARRUKO OINARRIZKO IRTENBIDEAK ELKARRI EMATEKO LANKIDETZA-HITZARMENARI ATXIKITZEKO PROTOKOLOA; EUSKAL AUTONOMIA ERKIDEGOKO ADMINISTRAZIO OROKORRAK ESTATUKO ADMINISTRAZIO OROKORREAREKIN 2017KO MARTXOAREN 24AN SINATUTAKOA, ETA GIPUZKOAKO FORU ALDUNDIAREKIN 2018KO ABENDUAREN 5EAN SINATUTAKOA".
3. Bitartekaritza-plataformako zerbitzuak erabiltzeko baimen-eskaera **sinatzea** eta IZFERa bidaltzea (Estatuko Administrazio Orokorra).
4. **IZFEk izapidetuko du NISAEko alta**, eta dokumentazio guztia helaraziko die.

Kontsultatzeko gaitzea

Baimena ematea ez da oinarri juridiko baliouduna administrazio publiko batek datuak tratatzeko; izan ere, interesdunaren eta tratamenduaren arduradunaren (administrazioa) arteko desoreka argiak ez du bermatzen baimena libreki eman denik, DBEOk eskatzen duen bidetik (42. eta 43. puntuak, kontuan hartzekoak direnetan).

Bi dira administrazio publiko batek datuak tratatzeko oinarri juridikoak (DBEOren 6. art.):

- c) tratamendua beharrezkoa izatea tratamenduaren arduradunari aplikagarri zaion **lege-eginbeharra** betetzeko;
- e) tratamendua beharrezkoa izatea **interes publikoaren** izenean edo tratamenduaren arduradunari esleitutako **botere publikoen** izenean gauzatutako eginkizun bat betetzeko;

Hala ere, gure ordenamendu juridikoko lege batzuek interesdunaren **berariazko baimena** eskatzen dute oraindik ere datu mota jakin batzuk ematen dituzten zerbitzuak eskuratzeko: kategoria bereziak, kondenak eta arau-hauste penalak edo zerga-datuak. Zerga-datuei dagokienez, Lurralde Historikoetako Zergei buruzko Foru Arau Orokorrek 92. artikuluan (Araba eta Gipuzkoa) eta 94. artikuluan (Bizkaia) jasotzen dute zein kasutan ez den baimenik behar datu horiek eskuratzeko. Arau horietako d) atalak honako hau ezartzen du: "*Herri-administrazioekin lankidetzan aritzea Herri Ogasunaren eta Gizarte Segurantzaren aurkako delituak jazartzen eta herri funtsen edo Europar Batasunaren funtsen kargurako laguntzak edo diru-laguntzak lortu edo jasotzeko maularen aurkako borrokan*". Datuak babesteko araudi berriari egokitutako artikulua honen interpretazioaren arabera, ez da beharrezkoa baimena ematea laguntzak eta dirulaguntzak kudeatzeko.

Oro har, 39/2015 Legearen 28. artikulua administrazio jardulea gaitzen du bere esku dauden edo beste edozein administrazio egin dituen dokumentuak kontsultatzeko edo biltzeko (2), "**interesdunak aurka egiten ez badu**". Artikulu horri dagokionez, Datuak Babesteko Euskal Agentziak honako hau ezartzen du 175/2018 txostenean: "Gogorarazi behar da aurka egiteko eskubidea DBEOren 21. artikuluan arautzen dela, eta, artikulua horren arabera, aurka egiteko eskubideak interesdunari eskatzen dio adierazteko tratamenduaren aurka egiteko jarrera horren oinarrian dagoen egoera pertsonalaren ondoriozko arrazoiak; ondoren, tratamenduaren arduradunak haztatu beharko ditu arrazoi horiek".

Horrela, eskatzen den informazio-zerbitzuaren arabera eta zer prozeduratarako behar den aintzat hartuta, hiru gaikuntza mota gerta daitezke: aurkakotasunik eza, legea eta baimena.

Aurkakotasunik eza

Gaikuntza mota honetan, **interes publikoa** da tratamenduaren oinarri juridikoa.

Hau da gaikuntza motarik ohikoena; izan ere, modu orokorrean aplikatzen da, ondoren azaltzen diren gaikuntza motetako bat erabiltzera berariaz behartzen duen legerik ez dagoen kasu guztietan.

Gaikuntza mota honetan, interesdunaren aurka egiteko eskubide arrazoitua bermatu beharko da.

Legea

Gaikuntza mota hau aplikatzen da tratamendua beharrezkoa denean tratamenduaren arduradunari aplikagarri zaion **lege-eginbehar bat** betetzeko. Tratamendu hori honako hauekin lotuta egon daiteke:

- Zerbitzu bat edo zerbitzu mota bat: eskatzailearen nortasuna egiaztatzea.

- Prozedura edo prozedura-familia bat: zehapen-espeditenteak edo ikuskapen-espeditenteak.
- Zerbitzuaren eta prozeduraren arteko konbinazio bat: zerga-betebeharrak eta Gizarte Segurantzarekikoak egunean izatea, laguntzak eta dirulaguntzak emateko.

Gaikuntza mota hau aplikatzen denean, ez da beharrezkoa interesdunaren aurka egiteko eskubidea bermatzea.

Baimena

Lege batek interesdunaren berariazko baimena eskatzen badu datu mota jakin batzuk (kategoria bereziak, kondenak eta arau-hauste penalak...) ematen dituzten zerbitzuak eskuratzeko.

Gomendio orokorrak

Kapitulu honetan, Euskadiko udalek eta beste toki-administrazio batzuek beste administrazio publiko batzuetako informazio-zerbitzuak eskuratzeko baimenak eskatzeko orientabideak eta jarraibideak ematen dira.

Atal honen helburua ez da eskaerak betetzeko eta izapidetzeko aukera ematen duten aplikazio informatikoak nola erabili azaltzea; berariazko gidak daude horretarako, adibidez, NISAren web-orrietan aurki daitezkeenak ([Eskabideak egiteko gida](#), [Entitatea administratzeko gida](#)). Helburua da gai zehatzetarako orientabideak eta gidalerroak eskaintzea.

Eskabideetan eman beharreko informazioari dagokionez, honako hauek adierazi behar dira nahitaez:

- Herritarrek egiaztza/kontsulta dezaketen egitateren bat justifikatzeko **"eskatutako" ziurtagiria aurkezteko prozedura**.
- **Prozedura ezartzen duen araua** (edo hura babesten duena).
- Prozedura abiarazten duen **eskabidearen eredia edo inprimakia**.

Ondoren, honako hauei buruzko jarraibideak ematen dira:

- Prozeduraren kodea eta izena.
- Araudiaren egokitzapena.
- Eskabide-inprimakien egokitzapena.

Prozeduraren kodea eta izena

Prozedura-kodea

Halakorik izanez gero, SIA kodea emango da. Halakorik ez badugu, gehienez ere 20 karaktere eta honako formatu hau izango duen kode bat definitzea gomendatzen da:

- Erakundearen IFK
- Familiaren edo prozedura motaren literala (Adib.: LAGUNTZAK)
- Zenbaki korrelatibo bakarra prozedura bakoitzeko.

Prozeduraren izena

Ez dira baliozkoak eskatu beharreko zerbitzuaren izena duten prozeduren izenak (adib.: zerga-datuak kontsultatzea), ez eta prozeduraren kodea edo lagatzailearen izena dituztenak ere (adib.: ZAEaren datuak kontsultatzea).

Araudiaren egokitzapena

Prozedura argitaratuta dagoen ordenantzak edo araudiak ofizialki argitaratuta egon behar du.

Testu informatiboa

Aukerakoa den arren, araudi erregulatzailean azalpen-testu bat sartzea komeni da, administrazioen artean datuak trukatzeko bitartekoak daudela jakinarazteko herritarrei, eta beste administrazio batzuen esku dagoen daturik aurkeztu behar ez dutela adierazteko.

XXXXX-ko Udalak, XXXXX-ko Nodoaren bidez, beharrezkoak diren egiaztapenak eta kontsultak egingo ditu administrazioaren esku dauden interesdunen datuei buruz, bai eta XXXXXXXX-ko administrazio-izapiderako beharrezkoa den beste edozeini buruz ere. Horregatik, elkarreragingarritasunaren xede izan daitezkeen datuak eskatzeari utziko zaio, baldin eta interesduna datu horiek erabiltzearen aurka agertzen ez bada; kasu horretan, dagozkion datuak edo dokumentuak aurkeztu beharko ditu.

Administrazio publikoen arteko datu-bitartekaritzarako oinarria urriaren 1eko 39/2015 Legearen 28. artikuluan zehazten da: artikulua horretan aitortzen da herritarrek eskubidea dutela ez aurkezteko edozein administraziok egindako dokumentuak, jatorrizko dokumentuak, aplikatzekoa den araudiak eskatzen ez dituen datuak edo dokumentuak, edo interesdunak aurretik edozein administraziori emandakoak.

Era berean, 40/2015 Legearen 155. artikulua adierazten duena gogora ekarriz, administrazioek lagundu egin behar dute datu-trukean, eta haien esku dauden herritarrei buruzko datuak eman behar dituzte.

Eskaera egiteko beharrezko datuen aipamena

Datuak minimizatzeko printzipioaren arabera, datuak egokiak, beharrezkoak eta ezinbestekoaren neurrira mugatuak izango dira, haien tratamenduaren helburuen arabera (DBEOren 5.1.c artikulua).

Halaber, *“Administrazioek ez diete interesdunei eskatuko jatorrizko dokumentuak aurkezteko, non eta, salbuespenezko moduan, aplikatzekoa den araudiak ez duen hala agintzen”* (Administrazio Publikoen Administrazio Prozedura Erkidearen 39/2015 Legearen 28.3 artikulua).

Beraz, kontsultatu beharreko informazioa berariaz adierazi beharko da araudiaren oinarrietan.

Inprimakien egokitzapena

Interesdunak bete beharko dituen inprimakiek ez dute tarterik edo jarraibiderik izan behar administrazioen arteko bitartekaritzaren bidez kontsulta daitezkeen informazioak eskatzeko.

Inprimakirako egokitzapenak dagokion prozeduraren kasuan aplikatu beharreko gaikuntza motaren eta kontsumitu beharreko informazio-zerbitzuaren arabera dira: legea, baimena eta aurkakotasunik eza.

Aurkakotasunik eza

Kontsultarako berariaz gaitzen duen edo berariazko baimena eskatzen duen legerik ez dagoenean, eduki hauek jaso beharko dira inprimaketan edo horietara sartu aurretik erakusten den pantaila orokor batean:

- Testu orokor bat, interesdunari kontsultaren eta kontsulta horren aurka egiteko aukeraren nahiz aurka egiteko jarraitu behar duen prozeduraren berri ematen diona. Testuak tratamendua ahalbidetzen duten eta aurka ez egiteko eskubidea babesten duten legeak aipatu behar ditu (39/2015 Legea, Administrazio Publikoen Administrazio Prozedura Erkidearena, 28.2; Datuak Babesteko Europako Erregelamendua, 6.1.d eta 21).

Administrazio Publikoen Administrazio Prozedura Erkidearen 39/2015 Legearen 28. artikulua ezartzen du interesdunek eskubidea dutela administrazio jardulearen esku dauden edo beste edozein administrazio egin dituen dokumentuak ez aurkezteko. XXXXX-ko Udalak dokumentu horiek kontsultatu edo eskatu ahal izango ditu, interesdunak aurka egiten ez badu.

XXXXX-ko Udalak egiten duen datu pertsonalen trataera legitimatuta dago interes publikoaren izenean edo udalari berari emandako botere publikoaren izenean egindako eginkizun bat betetzeko, Europako Parlamentuaren eta Kontseiluaren 2016ko apirilaren 27ko 2016/679 (EB) Erregelamenduaren 6.1 e) artikuluan aurreikusitakoaren arabera.

Interesdunak aurka eginez gero, beharrezkoa da aurka egiteko arrazoiak adieraztea (Datuak Babesteari buruzko 2016/679 (EB) Erregelamenduaren 21. art.)

- Zer informazio zehatz kontsultatuko den adierazten duen testu bat. Informazio hori espezifikoak diren, inprimakian bertan jaso behar da.

Udalak jaso beharreko informazioa:

- "Familia ugariaren titulua", Eusko Jaurlaritzarena, Euskadiko Administrazioen Segurtasunerako eta Elkarrengarritasunerako Nodoko (NISAE) "Familia ugariaren tituluak" informazio-zerbitzuaren bidez.
- "Ondasun higiezinak: hiri-etxebizitzaren titularra" eta "Ondasun higiezinak: Gipuzkoatik kanpoko etxebizitzak" Foru Ogasunaren ziurtagiriak, Euskadiko Administrazioen Segurtasunerako eta Elkarrengarritasunerako Nodoko (NISAE) "Foru Ogasunak – Ondasun Higiezinaren Kontsulta" informazio-zerbitzuaren bidez.
- Interesdunak kontsultaren aurka dagoela adierazteko eta aurkakotza hori justifikatzen duten alegazioak aurkezteko behar diren mekanismoak. Inprimakiak nahitaez jaso behar du aurkakotasuna adierazteko mekanismoa: markatu beharreko laukitxo bat izan daiteke, eta alegazioetarako hainbat aukera egon daitezke:
 - Berariazko eremu bat jar daiteke inprimakian.
 - Eranskin bat aurkezteko aukera eman daiteke.
 - Aurka egiteko inprimaki orokor bat presta daiteke.

Legea

Informazio jakin bat kontsultatzea beharrezkoa bada legezko betebeharrak betetzeko, inprimakietan horren berri emango zaio eskatzaileari, kontsultatzen den informazio zehatza eta kontsulta gaitzen duen legea berariaz adieraziz, horretarako baimenik emateko eta aurka egiteko aukerarik izan gabe.

Baimena

Lege batek interesdunaren berariazko baimena eskatzen duenean kontsulta jakin baterako, inprimakietan kontsultatutako informazio zehatza adieraziko da, bai eta baimena eskatzera

behartzen duen legea ere, eta baimena emateko ekintza argi bat eskatzeko beharrezkoa den mekanismoa jasoko da: normalean, interesdunak markatu beharko duen lauki bat izango da, eta markatu gabe agertu behar du berez.

Aldi iragankorra

Euskadiko Administrazio Publikoek elkarreragingarritasun-zerbitzuak erabiltzea ez oztopatzeke, araudiak eta inprimakiak jarraibideetara egokitzeko aldi iragankor bat ezarri da, egutegi honen arabera.

I) Araudi berria edo aldian behin eguneratzen den araudia eskatzen duten prozedurak

ARAUDIA	INPRIMAKIAK	BAIMENAREN IRAUPENA
Desegokia	Desegokiak	Urte bat, ekainaren 30a baino lehen egiten diren eskarietan
Egokia	Desegokiak	
Desegokia	Egokiak	Urte bat
Egokia	Egokia	Eskatutako aldia

- Araudia eta inprimakiak egokiak ez direnean, **urtebeteko** baimena emango zaie **ekainaren 30a baino lehen** aurkezten diren eskaerei.
- Araudia egokitu denean baina inprimakiak desegokiak direnean, **urtebeteko** baimena emango zaie **ekainaren 30a baino lehen** aurkezten diren eskaerei.
- Araudia egokitu gabe dagoenean baina inprimakiak egokiak direnean, **urtebeteko** baimena emango da.
- Araudia eta inprimakiak egokituta daudenean, **eskatutako aldiari** dagokion baimena emango da.

II) Araudia aldian behin eguneratzen ez duten prozedurak

ARAUDIA	INPRIMAKIAK	BAIMENAREN IRAUPENA
Desegokia	Desegokiak	Urte bat, ekainaren 30a baino lehen egiten diren eskarietan
Egokia	Desegokiak	
Desegokia	Egokiak	4 urte
Egokia	Egokia	

- Araudia eta inprimakiak egokiak ez direnean, **urtebeteko** baimena emango zaie **ekainaren 30a** baino lehen aurkezten diren eskaerei.
- Araudia egokitu denean baina inprimakiak desegokiak direnean, **urtebeteko** baimena emango zaie **ekainaren 30a baino lehen** aurkezten diren eskaerei.
- Araudia egokitu gabe dagoenean baina inprimakiak egokiak direnean, **4 urteko** baimena emango da.
- Araudia eta inprimakiak egokituta daudenean, **4 urteko** baimena emango da.

Laguntzak, dirulaguntzak eta sariak

Ondoren, laguntza-eskaerak, dirulaguntzak eta sariak izapidetzean kontsultatu beharreko informazio-zerbitzu nagusietan jarraitu beharreko tratamendua aurkezten da.

LAGATZAILEA ZERBITZUA		GAIKUNTZA	TRATAMENDUA GAITZEN DUTEN LEGEAK
DGP	Nortasun-datuak kontsultatzea eta egiaztatzea	Legea Aurkakotasunik eza	39/2015 Legea, Administrazio Publikoen Administrazio Prozedura Erkidearena (9, 28.2)
ERREGISTRO ZIBILA	Ezkontzei buruzko datuak	Aurkakotasunik eza	39/2015 Legea, Administrazio Publikoen Administrazio Prozedura Erkidearena (28.2)
	Heriotzei buruzko datuak	Aurkakotasunik eza	39/2015 Legea, Administrazio Publikoen Administrazio Prozedura Erkidearena (28.2)
DGT	Ibilgailuei buruzko datuak	Aurkakotasunik eza	39/2015 Legea, Administrazio Publikoen Administrazio Prozedura Erkidearena (28.2)
GSIN	Prestazio Sozial Publikoen Erregistroko prestazioak, aldi baterako ezintasuna eta amatasuna	Aurkakotasunik eza	39/2015 Legea, Administrazio Publikoen Administrazio Prozedura Erkidearena (28.2)
IGAE	Desgaitzeen kontsulta	Aurkakotasunik eza	39/2015 Legea, Administrazio Publikoen Administrazio Prozedura Erkidearena (28.2)
	Jasotako dirulaguntzen jakinarazpena	Aurkakotasunik eza	39/2015 Legea, Administrazio Publikoen Administrazio Prozedura Erkidearena (28.2)
	Jasotako MINIMIS laguntzen jakinarazpena	Aurkakotasunik eza	39/2015 Legea, Administrazio Publikoen Administrazio Prozedura Erkidearena (28.2)
GSDN	Gizarte Segurantzarekiko ordainketak eguneratuta izatea	Legea Aurkakotasunik eza	38/2003 Legea, dirulaguntzei buruzkoa (23.3) 39/2015 Legea, Administrazio Publikoen Administrazio Prozedura Erkidearena (28.2)

LAGATZAILEA	ZERBITZUA	GAIKUNTZA	TRATAMENDUA GAITZEN DUTEN LEGEAK
AEAT	Zerga-betebeharrak ordainduta izatea	Ez dago eskuragarri	58/2003 Legea, Zergen Lege Orokorra (95.1.d) 38/2003 Legea, dirulaguntzei buruzkoa (23.3) 39/2015 Legea, Administrazio Publikoen Administrazio Prozedura Erkidearena (28.2)
Oinarrizko eskubideak	Zerga-betebeharrak ordainduta izatea, laguntzak eta dirulaguntzak eskatzeko	Legea Aurkakotasunik eza	Zergei buruzko Foru Arau Orokorra, Araba / Gipuzkoa (92.1d) / Bizkaia (94.1d) 38/2003 Legea, dirulaguntzei buruzkoa (23.3) 39/2015 Legea, Administrazio Publikoen Administrazio Prozedura Erkidearena (28.2)
	Errenta-maila: PFEZ, Kontuen Maila, Ondasun Higiezinak	Aurkakotasunik eza	39/2015 Legea, Administrazio Publikoen Administrazio Prozedura Erkidearena (28.2)
	Ekonomia Jardueren gaineko Zergaren epigrafeak kontsultatu	Aurkakotasunik eza	Zergei buruzko Foru Arau Orokorra, Araba / Gipuzkoa (92.1d) / Bizkaia (94.1d) 39/2015 Legea, Administrazio Publikoen Administrazio Prozedura Erkidearena (28.2)
EJ	Familia ugariaren tituluak	Aurkakotasunik eza	39/2015 Legea, Administrazio Publikoen Administrazio Prozedura Erkidearena (28.2)
	Izatezko bikoteen erregistroan izena emanda izatea	Aurkakotasunik eza	39/2015 Legea, Administrazio Publikoen Administrazio Prozedura Erkidearena (28.2)
LANBIDE	DSBERi dagozkion diru-sarrerak	Aurkakotasunik eza	39/2015 Legea, Administrazio Publikoen Administrazio Prozedura Erkidearena (28.2)
ETXEBIDE	Etxebideren datuak	Aurkakotasunik eza	39/2015 Legea, Administrazio Publikoen Administrazio Prozedura Erkidearena (28.2)

Zerbitzu bati bi gaikuntza mota aplikatu ahal zaizkionean, izapidetzea sinplifikatzeko xedez, honako hau gomendatzen da:

- Prozedura bat izapidetzeko eskatu beharreko zerbitzu guztiak legez gaituta daudenean, modu hori erabiltzea zerbitzu guztietarako.
- Prozedura batek legez eta aurka ez egiteagatik gaituta dauden zerbitzuak eskatu behar dituztenean, eta, gainera, aurka ez egiteagatik bakarrik gaituta dauden beste zerbitzu batzuk ere eskatu behar dituztenean, bigarren kasu hori erabiltzea guztientzat.